



Kalaallit Nunaanni Sulisitsisut Peqatigiiffiata

aamma

Sulinermik Inuussutissarsiateqartut Kattuffiata

Sulisut sinniisaat pillugit

ISUMAQATIGIISSUTAAT

1. april 2013

§ 1. Isumaqatigiissutip imarisai

Sulisunut sinniisoqarnermik aaqqissuussinermi pineqarput sulisorisat tamarmik, Kalaallit Nunaanni Sulisitsisut Peqatigiiffiata aamma Sulineramik Inuussutissarsiuteqartut Kattuffiata akornanni isumaqatigiissutit naapertorlugit atorfillit.

§ 2. Aaqqissuusaanera

Ingerlatsivinni tamani ikinnerpaamik tallimanik, Kalaallit Nunaanni Sulisitsisut Peqatigiiffiata aamma Sulineramik Inuussutissarsiuteqartut Kattuffiata akornanni isumaqatigiissut naapertorlugu sulisulinni, sulisut sinniisaannik qinersisoqassaaq.

Imm. 2. Ingerlatsivik suliffeqarfinnut, imikkoortortaqarfinnut suliaqarfinnulluunniit arlalinut agguataarsimappat suliffeqarfimmut, immikkoortortaqarfimut suliaqarfimmulluunniit ataatsimik arlalinnulluunniit sulisut sinniisaannik qinersisoqassaaq, taamaasilluni sulisunut sinniisoqarnermik aaqqissuussinerup siunertai suliffeqarfimmilu pisariaqartitat naammassineqaqqullugit.

Imm. 3. Ingerlatsivik tallimanik ikinnerusunik sulisoqarpat isumaqatigiissutigineqarsinnaavoq sulisunut sinniisoqarnermik aaqqissuussineq atuutissanersoq.

Imm. 4. Nunaqarfinni imm. 1-3-mi aalajangersakkat naapertorlugit qinersinermut taarsiullugu sulisunut tamanut, isumaqatigiissut naapertorlugu atorfilinnut, sulisut sinniisumik ataatsimik qinersisoqarsinnaavoq.

Imm. 5. Ingerlatsivimmi tassanerpiaq sulisut sinniisaat arlaliuppata, suliffeqarfimmi sulisut sinniisaasa akunnerminni sulisut ataatsimut sinniisussaannik toqqaasinnaapput, taannalu ataatsimut apeqqutini, assersuutigalugu § 5, imm. 1-imi taaneqartuni, sulisunut tamanut sulisitsisumut sulisunut sinniisuussaaq.

§ 3. Sulisut sinniisuannik qinersineq

Sulisut sinniisuat, ingerlatsivinni § 2, imm. 1-2-mi taaneqartuni sulisunit qinerneqartoq, SIK-mut attuumassuteqassaaq. Sulisut sinniisuat sulisut pikkorissut akuerisaasut akornanni qinerneqassaaq, taakkualu ukiup kingulliup ataatsip ingerlanerani sivikinnerpaamik qaammatini pingasuni ingerlatsivimmi sulisimassapput.

Imm. 2. Sulisut sinniisuannik qinersineq SIK-p immikkoortortaqarfiani siulersuisunut nalunaarutigineqassaaq. Qinersineq atorsinnaanngilaq siulersuisunit akuerineqaqqaartinnagu aam-malu taakkunannga allakkatigut sulisitsisumut nalunaarutigineqaqqaartinnagu. Sulisut sinniisuannik qinersinermut tunngavissalimmik akerliliisoqarsinnaappat, sulisitsoq pisinnaatitaavoq qinersineq pillugu SIK-p immikkoortortaqarfiata siulersuisuinut uparuaanissaminut.

§ 4. Suleqatigiinneq

Sulisut sinniisuat pisussaavoq sulisitsiq suleqatigalugu sapinngisaminik sulinermi atugassarisat siuarsassallugit aammalu toqqissisimanarnerat pitsaasuunerallu attatiinnarniassallugit. Taamatuttaaq pisussaataavoq sulisitsisoq.

§ 5. Sulisut sinniisuattut suliassat

Sulisut sinniisuata pisinnaatitaaffigai pisussaaffigalugillu maalaarutit, aaqqiagiinnginnerit isumaqatigiissutitigullu ajornartorsiutit isumaqatigiinniuteqarfigissallugit, ilaatigut makkununga tunngasut: Piffissap suliffiusup inissinneqarnera, piffissat neriffissat qiteqqunnerillu tamakkualu qaqugukkut pisarnissaat, feriarnissamut pilersaarutit, nakkutilliinerit, suliffeqarfimmi isumannaatsuunermut iliuutsit, isumaqatigiissutit qanoq paasineqarnissaannik ajornartorsiutit, eqqiluisaarnissamut pissutsit aamma akkordernermik isumaqatigiinniarnierit, akkordernermi toqqaannartumik eqqorneqartut sulisitsisorlu isumaqatigiinnngissuteqarpata. Taamaasiortoqartassaaq apeqqut tamanna sulisitsisumit sulisumilluunniit sulisut sinniisuannut saqqummiunneqaraangat. Isumaqatigiinniarnierit tamatumanilu angusat isumaqatigiissummut ilassutitut allatorneqassapput, tamatumalu kingorna illua´tungeriinnit tamanit malinneqartussanngussallutik.

Imm. 2. Sulisut sinniisuat sulisitsisorlu pisussaangillat pissutsinik, isumaqatigiissummi atuuttumi aalajangersarneqarsimasunik allanngortitsinissamut isumaqatigiinniarnissaminnut.

Imm. 3. Sulisut sinniisuata isumaqatigiinniarnierfigisinnaasai tassaapput sulinermi pissutsit, sulisitsisumik isumaqatigiissuteqarfiginiarnierfigisinnaasani. Sulisut sinniisuat pisussaavoq nakkutigissallugu suliassaq sulisitsisup suliassiissutaa imatut pissusilik annertussusilillu, sulisup sularisinnaagaa inuunerminik avatiminillu ulorianartorsiorfiginagu. Ulorianartunik sulisoqassatillugu, assersuutigalugu akuutissanik toqunartulinnik sulisoqassatillugu, umiarsuarni tankinik saliisoqassatillugu, innaallagissiorfimmi motorinik saliisoqassatillugu, ikaajusani sulliviliani sulisoqassatillugu, qartiterinermik sulisoqassatillugu il.il., sulisut sinniisuat sulisullu tamatumanga ilisimatinneqassapput suliassat taamaattut suliarineqalersinnagit.

Imm. 4. Suliffimmi sulisunik nutaanik atorfinitsitsisoqarnerani sulisut sinniisuat pisussaavoq sulisut nutaat sulinerminnik aallartitsinnginneranni suliffimmik suliallu suuneranik paasissutississallugit suleqatigiligassaanullu ilisaritissallugit.

Imm. 5. Ingerlatsivinni paarlaattarluni sulisarfiusuni holdit tamarmik ataatsimut sulisut sinniisuannik qinersisinnaapput § 2, imm. 5 naapertorlugu.

Imm. 6. Sulisut sinniisuata piffissaq, sulisut sinniisuattut akisussaassusilimmik suliarinninnissamut pisariaqartoq atorsinnaavaa, suliffeqarfiup angissusaa peqarpallu ininut suliffigisanut pissutsit eqqarsaatigalugit.

Imm. 7. Ingerlatsivinni arlalinnik sulisunut sinniisoqarfilinni, suliffeqarfimmi sulisitsisup SIK-llu immikkoortortaqarfiata isumaqatigiinniuteqareernerisigut periarfissaqarpoq sulisut ataatsimut sinniisaata piffissap suliffissaatitap affaa angullugu atorsinnaagaa, suliffiup iluani avataanilu sulisut sinniisuattut suliassanik suliarinninnissaminut akissarsiatigut annaasaqaataannngitsumik.

Imm. 8. Ingerlatsivinni sulisunut ataatsimut sinniisoqarfiunngitsuni, suilsut sinniisuata sulinermini atugassarisai isumaqatigiinniutigineqassapput sulisitsisup SIK-llu immikkoortorta qarfiata siulersuisuisa akornanni.

Imm. 9. Atatsimiinnerit ingerlanneqarsinnaapput tamanna sulisut, sulisitsisup imaluunniit sulisut sinniisuata piumasarippagu. Sulisut sulisullu sinniisuata akornanni ataatsimiinnerit ingerlanneqartassapput piffissami, sulisut sinniisuata sulisut sinniisuattut suliassaminik suliarinniffigisinnaasaatut atugassaritinneqarfiani.

Imm. 10. Sulisut sinniisaasa ataatsimiinnerini, suliffiup avataani piffissalli suliffissaatitap iluani ingerlanneqartuni SIK-llu immikkoortorta qarfianit aaqqissuunneqartuni, sulisut sinniisui sulinnigiffeqarsinnaatitaapput tamakkiisumik akissarsiaqaatigalugu. Tamannali sioqqullugu sulisitsisoq tamatumangga isumaqatigiissuteqarfigineqassaaq. Sulisut sinniisuat nukingernar-toqarnera pissutigalugu tamatumangga isumaqatigiissuteqarsimannikkuni, taassuma periarfissaq siullerpaaq atorlugu sulinnitsoorneq pillugu sulisitsisoq paasissutississavaa. Nalornisoorutaasinnaasut illua´tungerit isumaqatigiissuteqartut isumaqatigiinniuteqarnerisigut aalajangiiffineqassapput.

Imm. 11. Illua´tungerit marluullutik pisussaaffigaat apeqqutit tamaasa akaareqatigiilluni suleqatigiinnikkut aaqqinniassallugit, takuuk § 4. Isumqatigiissuteqartoqanngippalli sulisut sinniisuat pisinnaatitaavoq SIK-p immikkoortorta qarfianit ikiortissarsiussalluni, tamatumalu kingorna SIK-p immikkoortorta qarfiata sulisitsisoq isumaqatigiinniuteqarfigilersinnaavaa. Tassuunakkut aamma isumaqatigiissuteqartoqanngippat suliassaq ingerlateqqinneqarsinnaavoq suliarineqarsinnaallunilu Kalaallit Nunaanni Sulisitsisut Peqatigiiffiata aamma Sulinermik Inuussutissarsiuteqartut Kattuffiata (SIK) qitiusumik isumaqatigiissutaat naapertorlugu.

Imm. 12. Sulisut sinniisuat pisussaavoq suliffeqarfimmi sulisut soqutigisaat aallutissallugit. Akaareqatigiissumik suleqatigiinneq sapinngisaminik attatiinnarniassavaa. Sulisut sinniisuata – ingerlatsivimmilu taamaattoqarpat – suleqatigiinnermut ataatsimiititaliap immikkut isumaginiagassaraat isumaqatigiissutitigut aalajangersakkat ingerlatsivimmi kikkunnit tamanit paa-sineqarluarnissaannik peqataanissaq, soorluttaaq pisussaaffigaat sulissutigissallugu aalajangersakkat tamakkua malinneqarnissaat.

§ 6. Sulisut sinniisuattut sulinerup atorunnaarsinnera

Sulisut sinniisuannik soraarsitsineq tunngavissaqarluassaaq sulisitsisorlu pisussaavoq sulisut sinniisuannik soraarsitsinissamut ilimasaarummik imatut piffissaliissalluni, sulisut sinniisuat sulisartuinnaagaluaruni soraarsinneqarnissamut ilimasaarutit piffissarititami sap. akunnerinik qulingiluanik sivilisunerusumik piffissaliissalluni.

Imm. 2. Sulisut sinniisuata sulinermi atugarisai nalinginnaasumik kipitinneqarsinnaanngillat piffissap soraarsitsinissamut ilimasaarutip iluani, tamannalu sioqqullugu SIK periarfissinneqareersinnagu soraarsitsinerup tunngavissaqarnerata sulisartoqarnermi eqqartuussivikkut suliarinnitsinissaanut. Anguniarneqartariaqarpoq suliassap sulisartoqarnermi eqqartuussivikkoortinnerata sapinngisamik siuarsarnissaa, taamaasilluni piffissap soraarsitsinermut ilimasaarutip qaangiutinnginnerani aalajangiisoqarsinnaaqqullugu.

Imm. 3. Sulisartoqarnermi eqqartuussivimmi soraarsitsineq tunngavissaqanngitsoq aalajangiunneqareersoq sulisitsisup sulisut sinniisuannik soraarsitsinini aalajangiuisimaannarpagu, pif-

fissamut soraarsitsinissamut ilimasaarummut akissarsiaqartitsinissami saniatigut sulisitsisoq taarsiissuteqarnissaminut pisussaavoq, taassumalu qanoq annertutiginissaanut pissutsit aalajangiisuussapput, kisiannili sap. akunnerinut 13-inut akissarsianit anginerusinnaanani, akissarsiallu naatsorsorneqassapput sulisut sinniisaata qaammatini kingullerni pingasuni agguaqatigiissillugu akissarsiaanut.

Imm. 4. Sulisut sinniisaata soraarsinneqarnerata tunngavissaqarneranik tassungalu taarsiissutaaratarsinnaasut annertussusissaannik apeqqutit sulisartoqarnermi eqqartuussivikkut inaarutaasumik aalajangiiffigineqassapput.

Imm. 5. Sulisut sinniisuat qaqugukkulluunniit sulisunut sinniisuunerminit tunuarsinnaatitavoq.

Imm. 6. Sulisunut sinniisoqarfimmi ataatsimi sulisut affaat sinnerlugit suilsut sinniisuannik tatiginninnginnerminnik nalunaaruteqarpata, sulisut sinniisuat ingerlaannavik tunuassaaq.

Imm. 7. Sulisunik sinniisoqarfimmi pineqartumi sulisut tallimanit ikinnerulerpata, qaammatinilu pingasuni sulisut tallimanit ikinnerusimappata, sulisunut sinniisup taamatut atuunna unissaaq, allaassarli illuatungeriit akerlianik isumaqatigiissuteqarsimappata, tak. § 2, imm. 3.

§ 7. Piffissaq isumaqatigiissutip atuuffissaa

Isumaqatigiissut manna atuutilerpoq 1. april 2013.

Imm. 2. Isumaqatigiissut illua'tungeriit arlaannit atorunnaartussanngortinneqarsinnaavoq 31. marts atorunnaartussanngorlugu, siusinnerpaamillki 31. marts 2016-imi atorunnaartussanngorlugu, apeqqutaatillugulu akissarsianut isumaqatigiissut nalinginnaasoq tamanna peqatigalugu atorunnaarsinneqarpat.

S.I.K. sinnerlugu
Nuummi, ulloq 2013

GA sinnerlugu
Nuummi, Ulloq 2013

Jess G. Berthelsen
SIK-p siulittaasua

Brian Buus Pedersen
GA-p direktøria